

瑤

華

集

瑶華集卷五

翻香令

一首

玉樓春

十首

虞美人

第一體
二十四首

夜行船

二首

天台宴

二首

春去也

一首

瑞鷓鴣

二首

步蟾宮

四首

明月棹孤舟

一首

雨中花

第三體
二首

鵲橋仙

十八首

南鄉子

蘇子瞻體
二十首

醉落魄

二首

虞美人

第二體
二首

臨江仙

晏小山體
二首

後庭宴

一首

小重山

十七首

惜分釵

一首

踏莎行

十六首

臨江仙

李後主體
八首

繫裙腰

一首

翻香令

燒香曲感舊

錢芳標

緋函牢合鷓鴣斑。殷勤曾索綠雲間。重開檢人何處對
金鳧。不忍便燒殘。雙心一氣本相關。那知苟令損韶
顏。營齋日招魂。夜只畱薰小像挂屏山。

玉樓春

暮秋獨步

杜濬

事去英雄多少恨。頭雪慵除盈一寸。杖藜獨步過溪橋。

生受漁翁來問訊 瑟瑟西風寒遞信 怕底青旗吹不
正橙黃橘綠白雲天 秋到好時秋又盡

春閨

施紹莘

平明一陣斜風雨 蘸地朱簾淡幾許 花拚薄命謝娘嬌
燕訴新愁聞客語 游絲蕩漾春容與 蝶試黃衣魂栩栩
榻滿牀飛絮拂還來 脉脉却隨輕夢去

前題

梁清標

燒殘魚尾凝粧坐 懶把蠻牋催曉課 研羅裙子蝶鬚牽
玉燕釵梁花刺墮 香泥小步苔痕破 報道春歸眷暗
鎖繡窗兒女太憨生 手弄櫻桃紅數顆

味燕

宋微輿

離梁画棟原無數不問主人隨意住紅襟惹盡白花香
翠尾掃開三月雨半年別我歸何處相見如將離恨
訴海棠枝上立多時飛向小橋西畔去

春晚

沈豐垣

韶光九十今餘幾坊曲惜惜飛燕子獨憐春草不成花
看盡晚雲都做水綠江千里魚沉字未日香消鸞幙
閉鏡中不見舞鸞人試問東風多少淚

春恨

湯豹處

人在鬱金堂上住簾幙影交連理樹玉盆薇露淨如空

寶鼎蘭煙濃似霧
薄倖不來春欲暮
情託子規聲裏
訴個儂清減似梨花香雪一枝嬌帶露

春日

董漢策

雨餘無賴春雲闊
燕舞晴空花氣咽
道人晏坐小窗寒
天外青山剛一抹
三眠柳醉春風滑
恰似多情方二
八晝長無事愛春光
更愛朦朧春夜月

秋思

錢德震

白蘋洲上西風切
睡起登樓羅袖怯
斷浦空爭落葉飛
斜陽向抱寒蟬咽
青山無奈輕離別
如此秋聲難乍
歇采菱歌散玉人歸
波冷洞庭今夜月

感舊

史惟圓

青山碧澗嬌歌舞香撲春缸浮綠醕桃花似笑柳如顰
蠟燭能啼絃解語重來草沒曾行處却倚閒窗愁聽
雨淡煙輕靄一年年併作今宵相憶苦

春雨

狄億

溟濛煙鎖垂楊線趁雨新鶯聲睨睨画閣餘寒掩寂寥
繁堦軟翠平如剪可惜落花春不管惹得花神紅淚
濺天公又見巧安排一朝勻盡胭脂面

虞美人

第一體

鏡

陳子龍

碧闌囊鏡粧臺曉。冷冷相看老。剪來一寸小青波。容得許多憔悴。暗消磨。海棠一夜輕紅倦。何事教重見。數行珠淚倩他流。莫道無情物也替人愁。

咏春雨

李雯

廉纖斷送茶蘼架。衣潤籠香罷。鷓鴣啼處不開門。生怕落花時候近黃昏。豔陽慣被東君妬。吹雨無朝暮。絲只欲傍粧樓。却作一江紅淚滿金篝。

惜春

蜂黃蝶粉依然在。無奈春風改。小窗微切玉玲瓏。千里行塵不惜牡丹紅。西陵松柏知何處。目斷金椎路無

端花絮上簾鈎飛下一天春恨滿皇州

風情

宋徵輿

無星無月無風夜香露襟前瀉
瓊窗寶帳兩重重忽透
明燈一線玉顏紅
嬌花弄影愁經雨怯盡當春舞
五更不語吐幽蘭此際雲深巫峽幾時還

古意

吳亮中

落紅滿地堆成積自起開簾拾一花
一蒂尙分飛何況
與君原是兩家兒
天涯海角何須歎且作同枝看
心同何處不相同只莫同花各辦自西東

春恨

丁澎

蕙香人去金猊冷翠掩屏山影合歡一夜滿庭開蝴蝶
不知人恨却飛來 片時枕上春勾引已是消魂盡夢
回留得幾多魂又被姊歸催去二三分

怨情

池中萍漾池邊柳相映春光逗與郎一處誓同生除是
郎爲柳絮妾爲萍 萍根本是楊花結不比閑枝葉儂
拚水面作萍花只恐郎爲柳絮又天涯

重九

狄敬

白雲飛盡天凝碧一抹秋煙跡風光客裏奈重陽爲問
蓼花楓葉爲誰妝 片帆影逐賓鴻逝冷落京華思離

人莫更倚危樓恐惹江南江北一天愁

春晚

沈際飛

堦前嬾綠和愁長坐憶眠還想飛紅破夢似相憐起望
小林殘萼損容顏雙鶯又向愁人絮春也知歸去個
人只是不思家生却楊花心性落天涯

題宋宮人墓

陳季逸

春風夜月年年度暗識香魂處臙脂幸免葬龍沙此日
行人指點玉鈎斜梨花寒食應淒切哭盡昭儀血羅
裙一色綉春蕪爭似六陵無樹可棲烏

感舊

蔣平階

白榆關外吹蘆葉千里長安月新粧馬上內家人猶抱
琵琶學唱漢宮春 飛花又逐江南路日晚桑乾渡天
津河水接天流回首十三陵上暮雲愁

夏日晚步

顧琦坊

池塘處處連蛙鼓雨散傳涼午小鶯啼溼綠陰中明滅
亂流千頃夕陽紅 炊煙樹裏人家出釣艇溪頭入画
橋斜對是高樓忽地有人和笑下簾鈎

記事

曹湖

夢中猶記春如昨一片花將落殘紅且莫怨黃鸝閒弄
枝頭微雨不曾啼 珠簾半捲閒庭謝人在珠簾下玉

爐香冷意遲遲可惜斷腸詩句没人知

卞園早梅

姜實節

雷塘煙水玻璃闊遠樹昏如抹
芒鞋踏破夕陽紅爲愛
卞家園榭過橋東
江潭十月霜紋縞春信梅先透
朦朧牆角一枝斜知是香痕初綻白些些

雨夜

宋大龍

真味萬點隨風起滴碎芭蕉裏
一重簾幙一重愁又是
紗窗香散悄寒收
情人常傍高樓立樓下榴花溼可
憐幽夢爲誰長記得挑燈細語自思量

無題

張淵懿

繡窗燈畔人微醉，香浸雙鴛被。旋臨寶鏡卸花鈿。今夜月明三五，見嬋娟。玉纖暗下水綃幌，聲落銀鈎響。回眸含笑問檀郎，却道芙蓉一朵，隔秋江。

看花

李天馥

看花只看花初放，繞樹春光漾。看花急看盛開時，正是東君着意護嬌姿。看花莫看花將謝，憔悴香魂也。隨風趁蝶惹輕煙，粧點一堦紅雨，使人憐。

感懷

朱爾邁

春風吹起愁無數，南北東西路。無因零落笑殘花，楚館吳宮何處問繁華。銅駝荆棘寒煙裏，故國留殘壘。至

今江上月如鈎長挂無邊遺恨照高樓

酒邊

宋 學

橫波剪得吳江影髮覆蝸蟻領文茵初上臉微紅恰聽
雛鶯羞澁呀東風輕盈擬倩遊絲惹畱住春光也暖
香豔雪綺筵邊好個朦朧煙月斷腸天

春霧

楊大鶴

一天都是愁人夢無計輕相送落花村外又東風偏只
亂他深淺一重重重重遮斷行人路不見春將暮繞
溪空翠溼晴沙兩兩鴛鴦飛去失天涯

晚粧

柳 葵

啼殘香夢鶯無賴。紅玉痕猶在。起來無力倚粧樓。偏恁
雙鬟不住喚梳頭。蛇蟠新樣青絲膩。拂拂香風細。蜻
蜓裊裊上金釵。剩却遠山眉黛等郎來。

咏史

黃家舒

繁華舊蹟餘金粉。最惜殘香燼。一般惆悵夜啼烏。消得
幾絲煙篆博山爐。江南江北愁相續。爭唱無愁曲。黑
頭家。令答紅箋。不記臨春花月是何年。

姝麗

吳淵

手垂雙釧釵橫玉。年小風流足。苧蘿春暖有誰知。獨自
燈前月下與花時。碧尖未画天生遠。波眼情初轉。嬌

羞那慣立人前解得相思凝睇只無言

秋宮怨仿一至十體

閨秀

葉小統

一簾秋色供憔悴畫靜人無二玉虬清漏又三更四望
昭陽何處五雲橫六銖衣薄寒生早七月砧先擣看
顰八字鏡中羞最是九秋蕭瑟十分愁

夜行船

黃河岸月下野泊

徐鉉

金盤堆起涼天碧撫澄鮮夜眠難得百頃黃蘆千條濁
浪人在柁樓吹笛月苦沙清露又白恍逢撾鼓驚濤
立玉臂乍寒清輝獨冷應念天涯孤客

江村卽事

陳維岳

一葉漁舟煙浪外，臥窗窺芙蓉姿態。
檣櫓偏香鱸魚正美，八月秋光誰買。
歲歲看山長好，在小橋邊箇人看。
黛斂笠吹簫提壺沽酒，摘朶桂花先戴。

天台宴

催粧

蔣平階

晚雲低映桃花路，雲外雙輅度。
春風一派玉塵涼，吹爾落綺房。
是仙鄉。漫綰綉繆縷，結下同心。
苜覩人惟覺，黛蛾長認得，蓬山深處。
舊鸞風好思量。

又

煖香荏苒爭春館。鏡菱花展。松芽如黛。柳如煙。却月
又連蟬。得人憐。照面花叢立。百花應太息。迴風歌罷
髻雲偏。慙却畱仙。裙子漫俄延。莫昇天。

春去也

本意

儲右文

恰輕寒乍離。情況初試清和。着意將他釀。一朝枝上杜
鵑啼。麥雨葵風春又往。縱有画屏。難障滿地落紅。誰
葬。已知拋却。惜花人無。瞬只向東風想。

瑞鷓鴣

懷仙

顧潛

香飄金屋篆煙清

戴叔倫

瘦去誰憐舞掌輕

韓偓

豔骨已成

蘭麝土

皮日休

丹書應換藥宮名

王貞白

寧知玉樹後庭

曲

溫庭筠

多似霓裳散序聲

白居易

重上鳳樓追故事

李頻

流花謝兩無情

崔塗

又

玉筍闌干界粉腮

劉兼

霧綃雲縠稱身裁

羅虬

花應洞裏常

時發

韓偓

水到人間定不回

曹唐

愁態自隨風燭滅

李紳

筵只惜暝鐘催

錢起

會須攜手乘鸞去

趙嘏

且作行雲入夢

來

包何

步蟾宮

秋意

曹爾堪

木樨香吐金英細，碧水畔金風如洗。
高樓一夜對嬋娟，鬢鬢在廣寒宮裏。
疎風淡漠無纖膩，坐漸覺露華微泚。
潁桐葉底鬪鷓鴣，空攪亂花陰滿地。

端溪觀采硯

朱彝尊

蒼山暗束寒江轉，問巖穴探時深淺。
不妨篝火夜連朝，好割取溪雲一半。
疎疎懶葉青花遍，比割却羊肝更軟。
看來只合寄情人，已早有相思淚眼。

代州伎

小字白粉，晨在曲中，訪之不備，戲投以詞。

疎簾日影纔鋪地，却早被金鈴喚起。
朝雲一片出巫山。

盼不到黃牛峽裏 仙源乍入重門閉任閒煞桃花春
水劉郎去了阮郎歸算只有相如伴你

相如小字犬子

席上和錫鬯

沈岸登

雪花未淨侵階滑奈小小鴉頭羅襪惱人三五月朦朧
數不定風鬟十八 歌闌纔把觥籌撒聽去也一幷愁
煞樽前相對且無言又那得相思書札

明月棹孤舟

海淀

成德

一片亭亭空凝佇趁西風霓裳徧舞白鳥驚飛菰蒲葉
亂斷續浣紗人語 丹碧駁殘秋夜雨風吹去採菱越

女轆轤聲斷昏鴉欲起多少博山情緒

雨中花

第三體

味美人剖蓮

趙進美

百尺寒泉清午暑喜色映銀盤堪數看細蒂纔分碧房
初破紅甲擎冰乳微動金環嬌不語剩嫩蕙幾絲青
縷試戲取郎嗔回眸一笑應識中心苦

春暮

張台柱

寒食清明三月暮正日末香消篆縷奈酒醒餘酣夢回
猶睡怕聽流鶯語鎮日東風吹柳絮偏惱得透簾穿
戶但錦帳圍花紅窗鎖燕任你春歸去

鵲橋仙

夜景

吳偉業

園林晚霽池塘新漲。明月窺人縹緲。千章夏木劇陰森。
驚噪起一群山鳥。纖雲暗度銀河斜轉。露溼桂花香。
悄少年此夜不須眠。把鐵笛橫吹到曉。

樓晤

龔鼎孳

紅牋記注香糜勻染。生受綠蛾初画。挑琴擘阮太多能。
自寫影養花風下。月低金管帶飄珠。席兩好心情難。
罷芳時不慣。是烏啼願。一世小年爲夜。

七夕集稻香樓

袁于令

瑶空爲幕銀河爲檻。一望秋光無際。伊誰長笛起樓西。
正笑語忽生幽意。飛廬載酒。清波擊櫂。來往玉維面。
裏輕綃玉臂。晚風吹莫辨。是衣香荷氣。

清明

彭孫遹

煙蕪瀉浪晴川鋪練。一陣風來吹皺。韶光百五禁煙時。
又過了幾番花候。天桃染暈垂楊。綠線萬點春光洩。
漏口噙紅豆。寄多情爲誰把相思嘗透。

前題

董俞

鶯聲似曲花光如醉。玉漱波紋微皺。亂煙苦雨近黃昏。
又醞釀清明時候。迢迢歡夢厭厭酒病。小院生殘銀

漏情知薄倖不歸來猶自把綉衾薰透

無題

顧貞觀

淚結春住香吹夢醒提起舊時恨節
画船絲柳綺窗花
整一幅斷腸圖揭
彩雲易散銀河難渡青鬢莫教催
雪來生慧業恐生天文負却人間風月

喻風

沈謙

柳腰全困花頭半坼迤邐春光如綉
東風快似剪刀兒
把淡綠深紅簇就
流鶯攪睡清絲繫恨正是消魂時
候慢將金斗比東風熨不醒兩眉長皺

早梅

粉英微坼檀痕尙淺迤邐因香尋着一枝偷采雪中春
敢鶯燕全然未覺 銀瓶水煖翠鬟手膩又把軟簾垂
却溪橋煙冷月初斜怎消受五更寒角

春恨

黃鶯不語綠陰漸滿猶見蝶翻金翅半林斜日捲簾櫳
生怕惹輕寒着體 慵拈翠管惟親珊枕病裏思君如
水春蠶春柳本無情也學我三眠三起

閨七夕

瓊雲乍卷金風漸冷誰把鵲橋重駕玉人攜手隔簾看
堆霧髻晚粧初卸 更添滅燭涼生却扇處尺明河欲

下闌干私語告檀郎總輸你朝朝夜夜

乍歸

吳棠禎

羊燈懸屋鳳絃彈月十二珠樓香軟無端枕上病魂多
幼小個相思不慣粉簾纔捲画船剛到拋下玉爐金
剪隨君細問懶回頭指井上落紅教看

無題

朱彝尊

前裙休去踏青休去招手再三來麼相思別後總徒然
且伴我日長同坐當壚也許浮家也許人道天斜真
箇簸錢鬪草已都輸問持底今宵償我

又

橫汾清濟十年舊事祇恨玉鞭歸暮碧桃先自笑春風
全不待社公新雨 草臺榭柳漢南移種恹取柔條最
苦游絲無力強天斜萬一把飛花粘住

席上贈張伴月

吳歌白紵吳衫白紵只愛吳中梳裹十年四度到京華
纔一霎樽前同坐 秋娘聲價泰娘聲價風韻當年須
過迢迢明月碧羅天誰伴取張星一箇

味鞋

湖菱鳥角渚蓮紅瓣不比幫兒還瘦拈來直是小航船
只合借燈前行酒 春陽花底春泥陌上最好踏青時

倏假饒無意把人看，又何用明金壓繡。

秋夜

成德

月華如水，波紋似練，幾簇淡煙衰柳。塞鴻一夜盡南飛，誰與問、倚樓人瘦。
韻拈風絮，錄成金石，不是舞裙歌袖。從前負盡，掃眉才，又擔閣鏡囊重繡。

春閨

俞士彪

落梅千點溼雲，萬葉欲問韶華，何處羅襟漬淚，不曾乾。
怎恁得春來多雨，芳尊酒冷，瑤琴塵積，使有心情難。
訴怕他，柳眼慣窺人，不敢向小亭閒步。

小閣

錢曾

輕勻粉面斜梳蟬鬢小閣粧成獨坐東風幾陣蕩簾鈎
捲無數楊花飛過 閒庭草綠紗窗人靜只有燕兒和
我暗將春恨數從頭恰恰被鶯聲啼破

南鄉子

蘇子瞻體

春寒

陳子龍

小院雨初殘一半春風繡幕間強向玉梅花下走珊珊
飛雪輕狂點翠鬢 淡月滿闌干添上羅衣扣幾番今
夜西樓寒欲透紅顏黛色平分凍兩山

贈人

曹溶

私語解紅潮重趁花船問板橋賽社燒燈迴舞袖相招

認得韋娘舊日腰。無力鬪妖嬈。踏月雙吟，倒翠翹絮。
裊不禁，蝴蝶性飄飄。陌上逢人，贈柳條。

訪傅山人

淚點爲誰紅。曾踏天街柳絮風。執手春莊春恨晚，冥濛。
倦向河山數晉宮。逃世轉情濃。破衲閒披，罽栗中說。
是道人終不信，英雄白髮難。令酒榼空。

贈徐電發

古寺客儵然。誰遞鱸香到枕邊。無限紅情歸錦字，爭妍。
蕭九娘家聽冷泉。官閣疊花氈。四壁名山，夜不眠已。
倩東風吹夢去。春前叱撥驕嘶，御柳煙。

新浴

吳偉業

皓腕約金環，豔質生香浸。
玉盤曲曲屏，山燈近遠偷看。
一樹梨花露未乾，扶起骨珊珊。
裙衩風來怯，是單背立梧桐，貪避影更闌。
月轉迴廊，半臂寒。

春暮

梁清標

深院雨廉纖，燕子飛來故傷檐。
清晝困人無氣力，耐耐淺暈腮痕，印枕函。
新樣剪輕衫，獨坐凝粧倚鏡奩。
聞道春風將暮也，厭厭開盡桃花，不捲簾。

子閑連納雙姬

錢繼章

茉莉晚涼天，角枕橫施壓鬢蟬。
郎似西陵潮有信，誰先

妾似初生月半弦。旖旎若爲憐。不辨巫峰與雒川。妾似芙蓉花上露。誰妍。郎似荷珠到處圓。

秋閨

杜濬

記得藕花新。香汗微微印簾紋。一別光陰今幾許。秋分。月照空牀半枕魂。霜雁不堪聞。簾幙中間菊又芬。菊不似人人似菊。傷神。菊瘦何曾爲憶人。

村行

許孫荃

迢遞水爲鄉。目送西風稻粒黃。萬派野煙歸柳綠。殘陽。白露迎人過草塘。暝色入衫涼。長板橋頭客思長。一抹秋光相引處。幽香。荷葉荷花滿路傍。

秋夜

王令

月色滿庭梧。落葉蕭蕭聽有無。應是空房簾未捲。糊塗。雁啜砧聲問小奴。獨自展鴛繡。爭奈香銷影又孤。欲向花陰尋酒伴。支吾。夜靜更闌不可沽。

憶潁尾櫻桃之盛悼蒲庵考功 李良年

風驟小篷偏。淮雨吹花恰半船。憶訪故人清潁尾。齋前。臥看珊瑚不著簾。畱摘身銜邊。細寫勻紅壓醜圓。飽食令君頰色好。空傳。賸得新詞唱翠鉤。

孤舟

成德

風煖霽難收。燕子歸時小院幽。摘得一雙紅豆子。低頭。

憶着分攜淚暗流。人去似春休。別酒會將醉石尤。惆
悵空江煙浪裏孤舟。一種相思各自愁。

臺城晚眺

周在浚

縱步且閒游。黍離離滿目秋。玄武湖中風浪起。颼颼
虎踞龍盤一夕休。江水不知愁。猶自滔滔日夜流。更
有無情天畔月。悠悠曾照降幡出石頭。

感懷

李煒

談笑解吳鉤。客滿西園花滿洲。記得河橋分手路悠悠。
哀笛山陽幾度秋。灑淚向神州。極浦遙天不盡愁。花
月春江渾似夢休休。老作人間馬少游。

除夕懷弟緯雲

陳維嶠

翠燭坐更闌。栢葉傳觴強自寬。繞柱騰騰思阿緯。燕關三度梅花未共看。何必錦衣還竹杖。荷裳好是閒犬。有故園兄弟在。盤桓雪後煙蓑雨後山。

秋思

曹亮武

頽淡夕陽煙。一片砧聲咽暮蟬。此夜銷魂無限意。誰傳只聽三條指上絃。小立綺窗前。不信東鄰是洛川。人比海棠花帶露。還妍。惆悵空庭月未圓。

吳市編菊爲籃戲味

李珍

霜蕊傲殘時。誰向東籬採數枝。編就菊籃還插菊。依稀

秋水長天一樣奇。細蹙縷金絲。點點繁星代素蕊。盡道芙蓉誇竝蒂。如斯花裏花開蝶也迷。

春暮

釋原詰

新水漲晴川。脉脉春寒叫杜鵑。幾陣飛花紅似雨。門前沽酒曾同夜泊船。風景恰依然。柳暗旗亭鎖翠煙。今日獨來橋上立。愁牽兩地東風薄暮天。

和秦表妹

閻秀 顧氏

雨歇滯江城。歸夢初醒問水程。画舫自維衰柳下。甚憎幾樹鴉啼不住聲。極目亂雲橫。恰似離愁次第生。纔到故鄉悲作客。松陵歲暮樓遲人再經。

夏雨

賀潔

炎退暑俄收。枕簟涼生未是秋。珠滾荷盤圓復碎。都流翠蓋斜翻。露白鷗。萍葉傷階浮。玉尺拋梭。唼水漚。女伴閒呼。消未晝。拋釣笑倚軒窗。作釣舟。

醉落魄

春閨風雨

宋徵輿

無人到處。未開紅杏先飄墜。遠煙着樹生千縷。掩映窗紗不見相思路。落花難向金溝住。一江紅淚流將去。鷓鴣聲急催天暮。料得黃昏枕底愁無數。

讀天寶遺事

王士禛

風流堪惜。沉香亭下雙鴻鵠。長生殿裏如膠漆。別院梨
花偷試寧王笛。漁陽戰鼓驚相通。馬嵬古驛羅衫溼。
秋槐落盡空凝碧。殘月華清何處人行跡。

虞美人 第二體

風情

夏完淳

花枝不動流鶯語。寂寂春如許。闌干十二月濛濛。凌波
襪窄繡鞋弓。夢魂中。朝霞忽照紗窗上。人起青綃帳。
送君還過画欄東。落花如雨一池紅。五更風。

豔情

金是瀛

沉香熏罷垂羅幌。月在青苔上。玉人添線繡鴛鴦。簾櫳

夜半遠燈光。透微茫。醉來偷步紅軒下。滿架花相亞。此時何計展殷勤。謝家池館鎖深春。見無因。

臨江仙

晏小山體

無題

朱彝尊

寒水籬根二尺。莫愁艇子能容。纖纖細步到房櫳。青蛾勻黛淺粉拂掠雲鬆。憶食憶眠憶坐。好春長定相逢。侍兒一一小名重。卷衣張住。任滅燭許冬冬。

春閨

藥甲齊開更歛。柳綿欲起還沉。一春閒望費愁吟。酒旗風着力。花事雨驚心。巷小。鴉兒不吠。樓高燕子難尋。

薰爐小篆疊重衾。綠陰猶未滿。庭院已深深。

後庭宴

味蜂

沈謙

日晚闌窗風暄游閣檀痕膩。嘴紅沾腳。貪春何故更防
春藏針暗裏無人覺。園林取次花殘。裊裊細腰難托。
欲諱幽情無奈落。還記舊衣香繞過。秋千索。

小重山

重至金陵

龔鼎孳

長板橋頭碧浪柔。幾年江表夢。恰同游。雙蘭又放小簾
鉤。流鶯熟噴喚一低頭。花落後庭秋。蔣陵煙樹下有

人愁。玉簫凭倚。賸風流。身衣燕飛入舊紅樓。

憶昔

陳子龍

曉日重簾挂玉鈎。鳳凰臺上客憶同遊。笙歌如夢倚無愁。長江水偏自愛東流。荒草思悠悠。宮花飛不盡。覆芳洲。臨春非復舊粧樓。樓頭月波上對揚州。

寒食

梁清標

春水溶溶寒食天。王孫芳草綠上風。鶯深閨簾。幙玉鈎閒。人何在。一半傷鞦韆。堤外打榆錢。酒旗頻駐馬。杏花煙鶯聲。轉出回樓前。牢記取。年少有金丸。

寫懷

李雯

上苑苔侵臨砌花。杏梁新燕子。屬誰家。曉風吹破碧窗紗。丁香結。憔悴過韶華。有夢寄天涯。海棠開徧了。月痕斜。三春清淚落鳴笳。愁如海。不著踏青鞋。

憶昔

宋徵輿

春流半繞鳳凰臺。十年花月夜。汎金杯。玉簫嗚咽画船開。清風起。移棹上秦淮。客夢五更回。清砧吟塞雁。渡江來。景陽碧井斷蒼苔。無人處。秋雨落宮槐。

無題

王士祿

曾看新粧曉鏡前。別來怊悵甚不成眠。此情不擬有人憐。愁裊裊。空似獸爐煙。辜負月娟娟。梅花如有意。落

紅鈿東風輕軟到秋千。遙相憶。微倦夕陽天。

閨情

李天馥

樓掩瀟湘紅網間。芙蓉金屈戌。錦交關。黃星曆驛夕陽山。臨晚鏡。無計避孤鸞。綵繖石榴斑。銀泥蝴蝶小。玉弓寒。香堦偶立不知還。徘徊久。端爲出來難。

金陵懷古

尤侗

依舊青山繞建康。南朝佳麗地。草茫茫。景陽脂井冷銀牀。秦淮月。猶照故宮牆。弔古石頭岡。大江流日夜。幾興亡。雞籠鼠雀滿祠堂。君休問。策蹇下斜陽。

夜繡

高擢

風定湘簾樺燭齊。按繁還理繡夜淒其。香肩微擗翠蛾低。交枝上小鳥正雙棲。河淡月沉西。迴文剛織就。又重題。欲箋情事恐人知。停針處。一一寄相思。

金陵題酒家壁

王屋

門驅欵段入通都。大中橋直下。遇當壚。停車試問酒家胡。投鞭飲爲我打雙壺。箏鼓下鮮鱸。金陵風物美似東吳。銜杯欲醉。悵無徒。斜陽裏。不語視昆吾。

金陵

鄧漢儀

淮水橫拖柳線柔。曾聞簫鼓夜美人游。一從好事斷香鈎。西窗月不肯勸梳頭。黃雨更深秋。怎禁桐葉下。

更愁寒潮依舊繞城流。無人處私倚闌江樓。

宮怨

吳棠禎

鳳袷龍綃秋夜長。西宮銅漏靜。幸君王。羊車不肯到長廊。珠簾內。紅蠟晃空牀。昨夜唱伊涼。內人齊賜出辟寒香。犀梳斜插未成粧。梧桐月只去近昭陽。

閨憶

錢芳標

紅板橋西亞字牆。玉驄嘶過處。已斜陽。小樓簾捲倚濃粧。金條脫。纖手弄垂楊。一晌立徬徨。明知留不得。意難忘。画闌咫尺。是仙鄉。垂鞭去。人遠落花狂。

懷敘彝上人

姚景崇

翠壁青藤白板扉。山南棲隱處。晚煙迷。年來頻訪遠公。
蹊清譚久。松下露沾衣。一別幾多時。蕭疎黃葉墜。動
離思。囊中檢得舊題詩。人何在。宛在水之湄。

冬日卽景

岳驥

古寺寒林綴晚鷗。南溪排雁陣。下平沙。牛羊歸去夕陽
斜。漁歌緩。短棹沒蘆花。沽酒到西家。朔風初作雪。暈
微霞。忽聞商女撥琵琶。含情望江上。暮雲遮。

秋夜夢登虎丘莫釐諸峰

釋宏倫

秋染吳山入夢邊。闔閭埋玉處。第三泉。可中亭上月初
圓。僧梵放花雨。散諸天。鶴背記遊仙。洞庭催落木。水

如煙浣紗人去五湖船長畱恨七十二峰前。

初夏

閨秀 嚴曾杼

開盡薔薇春已休。纍纍青杏子。綴枝頭。閒庭風漾柳絲柔。鸚哥睡歸燕響簾鉤。獨自上高樓。迷離煙雨外。遠山浮。爐灰強撥坐忘憂。長日靜。六幅畫屏幽。

惜分釵

偶感

閨秀 徐燦

移春檻。芳菲黯味絮才情。渾欲減。記江南。熟吳蠶。芍藥開時。花滿澄潭。探探。身長汎。花相賺。新來漸把閑愁。懣。夢魂甘。是煙嵐。西子湖頭。結箇花龕。叅叅。

踏莎行

閨怨

曹溶

花陣凝脂。釵場築玉。蘭膏銜照彈棋局。白家蠻柳不勝情。寒雞昨夜江州宿。珊步移紅。霓裳換綠。腰肢新樣嬌難束。故鄉同在月明中。笛聲漸遠朱闌曲。

答客問雲中

堆雪翻鴉。城冰浴馬。搗衣聲裏重門閉。琵琶忽送短牆西。當時不是無情地。帳底燒春。樓頭熱酒。百錢便博征夫醉。寒原望斷少花枝。臨風也省看花淚。

送春

龔鼎孳

亂綠迷煙殘英墜雨東風不肯留春住問春尙未到天
涯玉驄只索花邊去羅襪凝春紅茵沾絮春歸料是
春來處黃鸝強要訴花愁夕陽催上相思樹

暮春

梁清標

鶯轉林梢蝶沾粉絮押簾銀蒜牽蛛縷鴛鴦慢揭鬱金
寒秋千索挂東風暮綠暗西園雁沉南浦檀郎驕馬
知何處章臺街裏片花飛紅粉樓中三月雨

冬懷

李昌垣

翠幕煙沉珠簾月小枝頭未雪梅開早凭闌無計遣新
愁亂鴉飛盡歸鴻杳霜杵敲寒風燈破曉漏聲滴盡

鐘聲悄。香殘酒醒不成眠。流蘇好夢天涯少。

春寒閨恨

宋徵輿

錦幔銷香翠。屏生雨。粧成漫倚紗窗住。一雙青雀到空庭。梅花自落無人處。回首天涯歸期又誤。羅衣不耐東風舞。垂楊枝上月華生。可憐獨上銀牀去。

春閨

王庭

曲徑迷苔小。池明練。春風誤入深深院。飛來多半是桃花。却教相見羞人面。怨徹銀箏香銷金鈿。画梁故故飛雙燕。愁時只是倚樓看闌干。十二相思遍。

醉後作

王士禛

屈子離騷史公貨殖。直須一石。惜騰騰胸中五嶽。不能
平。何人解識狂奴意。脩竹彈文。綠章封事。聊將筆墨
供遊戲。茂陵若問馬卿才。飄飄大有凌雲氣。

味鏡

香壓彤奩。光迎羅幌。圓冰背結蟠螭樣。一泓春水碧如
煙。誰教移向粧臺上。脉脉相看。盈盈難傍。影娥池畔
凭闌望。粧成雙鏡。焰明簾芙蓉。竝蒂波間漾。

春望

董俞

柳陌飄綿。梨園糝雪。紅亭綠酒人離別。春光不是別離
時。別離偏向春時節。舊夢無痕。新愁似結。亂鴉啼處

山千疊。漁燈點點。隔江明。蘋絲帶雨波聲咽。

尋春郊外

沈雨燥

密柳鶯梭。殘花燕壘。春將去也。畱無計。市橋新綠漸黏
天。山樓遠翠看垂地。遲日關心。尋芳得意。杖藜到處
隨遊戲。東風寒食。最消魂。夕陽古寺紅牆閉。

憶舊

吳棠禎

梅子微黃。燕兒初乳。懷人未敢窺朱戶。當年花底別蕭
娘。落紅一片愁無數。小閣寒燈。畫屏疎雨。夢魂昨夜
飛何處。空將春恨付春江。春江不帶相思去。

廣陵懷古

瓜步潮飛蒜山雲疊。一帆遠挂江門雪。青樓燈火照揚州。花開醉酒香塵滅。鳳幄歌空龍車香歇。蕪城草綠飛蝴蝶。隋家楊柳泣黃昏。玉簫留下紅橋月。

味燕

鈕琇

剪剪春風蕭蕭社雨。一生直恁長羈旅。画梁綉幙屬他人。傷人門戶終憐汝。柳絮池塘梨花院宇。韶光半爲營巢悞。舊時王謝總寒煙。重來難認銜泥處。

吳江

嚴繩孫

月魄分橋煙鬢縈渡。如今不是長洲路。愁教幽夢暗相尋。亂帆影裏人何處。細蕊偷黃輕綃引素。去來渾是

難分付。西風篷底博山香。一絲絲似秋情緒。

寒閨

湯思季

屋角風晶房櫳。短寒衣補綻。催針線。天吳紫鳳。拆憑
伊。賸好鴛鴦。休錯剪。黑月。蠶低碧紗。愁掩燈添紅暈。
綿裝繭。倩他排遣。過黃昏。未夜沉沉。天不管。

臨江仙

李後主體

本意

錢芳標

春煖蘭皋。鴻鴻間。青娥斜。鞦煙鬟。六銖衣薄步珊珊。波
明苔碧。日暮弄珠還。交甫自憐仙分少。此生無計相
攀。遠峰如兩。浸潏潏。音塵寥絕。從此隔人間。

又

水廟陰霏菴綠蘿。楚山隔岸嗟峨。日斜髣髴倚湘娥。秋風嫋嫋木落洞庭波。惆悵翠華遊不返。愁心蹙損雙蛾。至今斑竹淚痕多。黃陵月冷空自鼓雲和。

宮詞

蔣平階

禁苑花殘春殿閉。玉堦芳草淒淒。露華空灑侍臣衣。景陽鐘斷愁絕夢回時。客裏杜鵑歸不去。一春常自孤飛。數聲啼上萬年枝。似將幽恨說與路人知。

寄汪蛟門舍人

金鎮

碧玉闌干花影重。峭風移過簾旌。綠遮庭院少人行。個

人何處。纖指按秦箏。手把道書慵。自起暗來小閣斜。
憑。畫圖心事忒分明。蒼苔紅藥。天上記曾聽。

吳門懷古

毛奇齡

高閣近花紅影合。繞牀還種青梧。西施嬌小似無夫。黃
金梯滑不見有人扶。菱葉菱根遮浦暗。含情但採菖
蒲。金閨門外夜啼烏。女墳前去寒燭照東湖。

聞琴

澧浦紅蘭催日暮。美人倚徙空亭。幽巖春竹雨冥冥。長
思公子愁絕翠雲屏。碧水尙傳瑤瑟怨。棖棖夜鼓湘
靈。蒼梧南去晚山青。楚江遷客憔悴不堪聽。

荆溪署中

楊綠

欲向荆南尋勝侶，且撥冷署閒居。短簷欹壁徑荒蕪。一
簾秋雨溼却半牀書。翠竹碧梧聲瑟瑟，眼看景物蕭
疎。尊中濁酒未須沽。客來同醉，隨意剪園蔬。

爲曹子清題唐寅美人圖

蔣景祁

睡起雲鬟欹未整，慵騰嬾下庭除。摘來纖玉嗅香初。紅
襟一抹衫色學鶯梳。夢去如醒醒似夢，丹青巧樣難
圖。風流名氏隱吳趨。建安才調，今見兩相如。
子清亦名寅故云

繫裙腰

閨思

王宗蔚

枕函消瘦夢難支人別後雁來遲水亭南角判菱絲空
對此孤月影照平池胡琴閒欵碧螺卮彈不斷舊相
思画屏七曲寫秋辭可又是銀箭小夜涼時

瑤華集卷六

金門賀聖朝

一首

遐方怨

二首

臨江仙

顧太尉體
一首

釵頭鳳

二首

臨江仙

賀方回體
三十五首

蝶戀花

二十四首

七娘子

一首

一剪梅

九首

唐多令

八首

青杏兒

一首

破陣子

二首

漁家傲

十五首

蘇幕遮

十首

踏莎美人

一首

定風波

三首

似娘兒

二首

促拍采桑子

一首

喝火令

一首

鳳銜盃

三首

月上紗窗烏夜啼

一首

醉春風

三首

獻衷心

一首

黃鍾樂

二首

轉應曲

一首

風中橋

一首

品令

一首

芭蕉雨

二首

淡黃柳

二首

酷相思

七首

金門賀聖朝

夏夕雨

謙

炎威逼火雲萬朵俄成墨電掣金蛇江樹黑天河直下
夜深寒把煩囂都滌半掩羅幃暫息簾外碧梧如拭

隱隱殘雷無氣力，暗思玉簫彈煙鬢，料今宵眠得。

遐方怨

閨情

葉燮

粧未了，日高升。菱花斜暈小，蘭葉鬢雲橫。簾通煙篆曉，
痕平寶釵斜。膩墜無聲。春漸老，帶圍輕。簷鵲頻偷報，
應知鬪草贏。晝長無事理銀箏，困人疎雨在長亭。

自鄭州至臨穎書所見

蔣景祁

風颭雪霧凝，麝香車攢戰骨，鉛淚浥綉裙。琵琶絃冷別，
烏孫鷓鴣聲斷，欲黃昏。帶巫雨怨湘雲，墮馬新粧怯。
啼鵲舊恨頻，五原夢裏莫招魂。九疑山下不歸人。

臨江仙

顧太尉體

春暉

丁澎

麝噴薰篝金鴨冷玉牀悶倒和衣惜騰春夢小窗西
柳慵花醉喚不起鷓鴣啼亂挽蟬雲替不掃画梁殘日
依依惟他燕子故雙棲湘鈎暗下賺得箇撲簾飛

釵頭鳳

戲贈陳伯驕小史

曹溶

紅窗曉青簾繞王孫自合憐花草吳閫路閩江渡行雲
易剪去帆難泝故故故靈犀早含香小仙郎那讓麻
姑爪燈微露帷深護乞解湘裙恣看蓮步誤誤誤

妍華十年踪跡似風花赤欄樓角月應解憶天涯

宮月

萬錦雯

最是六宮明月好蓬壺縹渺如浮蝦鬚半捲未央樓鐘
聲穿玉樹花影暗金溝 釵換盤龍衣換繡羊車猶伺
宸游雲中仙露問誰收夜深簫鼓歇團扇有人愁

旅月

最是郵亭明月冷茫茫雲樹淒迷天高孤雁背人飛誰
家翻苦調按拍奏梁伊 正值新豐還買醉醉時壁上
留題短檠剔盡馬停嘶故鄉纔入夢茅店又聞雞

遣信

彭孫適

青鎖餘煙猶在握。幾年香冷巾幘。此生爲客幾時休。殷勤江上鯉。清淚溼書郵。欲向鏡中扶柳髻。鬢絲知爲誰秋。春陰漠漠鎖層樓。斜陽如弱水。只管向西流。

雲陽道中

鄒祇謨

岸草黏天明。遠綠小桃嫋嫋紅浮。一篙春漲上芳洲。橈頭船護鴨。九髻笛呼牛。好鳥喚晴雲。影破隨風似葉。孤舟深閨。此際想含愁。花明殘雨砌。人倚夕陽樓。

離愁

董俞

客裏鶯花三月半。春光不似愁濃。柳絲隨處綠匆匆。酒帘斜日外。漁市亂煙中。多病文園兼作客。天涯信斷。

難通可憐長夜正思儂寸心蕭寺雨殘夢隔江鐘

寒柳

秦松齡

向日風流今記否寒鴉宿處分明一灣殘照太無情照
他憔悴了依舊下高城行處尙疑攀折盡西風客路
魂驚樓頭翠管已無聲紫驪渾不顧嘶過玉河水

春歸

米漢雯

開到文無花婪尾芳園蝶懶鶯嬌問春春去幾多遙將
紅浮澗口渲綠上峰腰鎮是晝長無意緒柔腸似柳
條條暄妍又博可憐朝堦筠抽雨籜隴麥粲煙苗

顧四城北新居

王、屋

獨訪柴門溪竹裏板橋流水斜通漁舟泊處暮雲空數
家橫浦上一徑入煙中叢木暗妨樵路遠鷺鷥飛破
霞紅輕雷忽過小池東藕花嬌着雨菱蔓弱牽風

味早春

秦篆

早色嬌春如靜女含羞初向人前更遲半月便嫣然魂
消非怨別神醉未登筵惟有遠山知覺早青青垂黛
堪憐東風易上美人肩吹愁成一片不待落花天

登韜光庵感舊

陸進

記得當時曾坐此於今三十三年重來徙倚小樓前青
山如舊日蔓草鎖寒煙寂寞堪憐風景異老僧雖在

頽然流光荏苒鬢毛斑斜陽松影裏感慨杖藜還

紀游

姜實節

夢斷羅幃春睡淺小樓風竹頻敲溪流一曲抹山腰雨
香初拂柳日氣漸烘桃笑解金龜同買醉故人雅集
今宵闌詩量酒興還饒曉鐘齊女暮殘月大姑橋

感舊

錢芳標

歷歷槿籬芳草徑重來恰是殘春春光無恙客愁新露
桃花不見何況倚花人翠袖香微蟬鬢晚當年幾徧
逡巡半篙溪水蹙魚鱗夕陽叉手處腸斷似車輪

無題

成德

長記曲闌干外語。西風吹逗窗紗。片帆從此寄天涯。一
燈新睡覺。思夢月初斜。便是欲歸歸未得。不如燕子
還家。春雲春水帶輕霞。画船人似月。細雨落楊花。

盧龍大樹

雨打風吹都似此。將軍一去誰憐。画圖曾見綠陰圓。舊
時遺鐵地。今日種瓜田。繫馬南枝猶在否。蕭蕭欲下
長川。九秋黃葉五更煙。祇應搖落盡。不必問當年。

江上別京少

惠潤

爲憶長安三月暮。剛逢勝友如雲。一杯別酒記青門。御
河流水滿天遠。夕陽村。此日芙蓉還共採。好來倚徧。

斜曛浮螺數點隔江分。秋容如鏡裏重與照離尊。

自題我園

徐翹鳳

百里清流更遠一灣緊束雙溪道人不着眼前棋結
茅移白石斗酒聽黃鸝 柳外池塘鷓鴣睡竹橋斜渡
花堤無題詩句頗相宜草堂明月上稚子讀書歸

又

竹塢雲汀藏矮屋回橋曲徑斜溪疎簾清晝罷彈棋杏
花香影裏傳語有黃鸝 無限風光依釣艇柳枝搖漾
春堤山間明月晚來宜錦囊攜好句認得輞川歸

夏景

陳履端

梅子纔黃新雨足。衫裁白苧涼生。一灣流水縠紋平。荷香浮野渚。檻外暮山橫。隔院有人歌水調。蟬聲攪碎歌聲。荳花茗葉十分清。水晶簾半捲。新月浸桃笙。

題其年刻集卽寄送京少北行 張彥之

舊日潁川曾締結。驅馳共逐風塵。千秋才魄怨沈淪。誰將流水操。彈與夜臺人。老矣蓬蒿棲久慣。依然縞帶情親。元卿三徑氣如雲。京華能夢我。短什當思君。

咏竹夫人

徐璠

雲母家邊來少婦。竹郎可耐溫存。露華深夜月黃昏。心虛時怯汗骨瘦。欲消魂。只道秋娘工作妬。誰知薄倖

根源屏山還記舊盟言。郎情傳玉女。妾夢憶王孫。

離里山

蔣景祁

門外青溪溪上樹。籠從片壁。崔巍朝朝暮暮。影霏微抱。村宜晚霽。觸石暈朝暉。欲訪當年封禪地。墨山西度。依稀仙人曾此製。荷衣徑荒。丹竈冷。洞杳白雲歸。

桑橋落焰

雨後蒼山霜後樹。碧溪遙跨晴虹。夕陽低處起西風。寒葭深雁跡。衰柳隱漁篷。覓醉村醪。忘歲月。幾番綠葉紅楓。滄桑滿眼。亂流中。一橋橫渡北斜月。又升東。

端午

閨秀

葉小鸞

團扇新裁明月影珠簾半上瓊鈎榴花紅到玉釵頭綵
絲宜續命綠砌繞忘憂酒汎菖蒲香玉碎嫩紅雙靨
橫秋画船何處鬧歌樓蕭蕭煙雨外還鎖楚江愁

咏臘梅

吳 沄

百卉離傷花事盡臘中獨自歆斜幽香清韻總無加紫
心羞向我檀口不如他願折一枝供寂寞堪憐護着
窗紗此花開後更無花不嫌妝閣冷長伴過年華。

經東園故居

葉小統

舊日園林殘夢裏空庭閒步徘徊雨乾新綠徧蒼苔落
花驚鳥去飛絮滾愁來探得春回春已暮枝頭纍纍

青梅年光一瞬最堪哀。浮雲隨逝水，殘照上荒臺。

舟中作

女尼舒霞

閑却此身滄海外，帆輕不計途長。村村樹色染秋霜。波漂菰米熟，風送野花香。蓼渚蘆灣何處宿，狎鷗一樣行藏。十年前事已相忘。只愁今夜夢隨月到家鄉。

蝶戀花

春曉

陳子龍

纔與五更春夢別，半醒簾櫳，偷照人親切。簡點鳳鞋交半折，淚痕落鏡紅明滅。枝上流鶯啼不絕，故脫餘緜，忍耐寒時節。慵把玉釵輕綰結，任移花影窗前沒。

又

雨外黃昏花外曉。催得流年有恨何時了。燕子又來春
漸。亂紅相對愁眉掃。午夢隔珊歸路杳。醒後思量
踏遍閒庭草。幾度東風人意惱。深深院落芳心小。

偶見

裊裊花陰羅襪軟。無限芳心初與春消遣。小試嬌鶯纔
半轉。海棠枝上春風淺。一段行雲何處剪。掩過雕闌
送影湘裙展。隔着亂紅人去遠。西樓今夜珠簾捲。

春情

錢 棟

熏透羅衣春片片。樓畔東風吹得垂楊倦。只許蜜蜂窺

小扇桃花影裏防人見。細聽流鶯何處囀。愛弄秦箏懶過鞦韆院。牆外曉鶼飛已徧。青梅幾箇搖金鈿。

題二喬觀書圖次少游韻

王士祿

傾髻頽雲肩。擘玉髯兒光凝雙映。脩蛾綠髮鬢風光屏外足。攤書停却尋春躡。爐裏雙煙青斷續。玉砌紅簾不似牽羅屋。公瑾伯符皆不俗。知無一事縈心曲。

春閨

周季琬

影落中庭花報午。蝶亂蜂忙。梳出新愁譜。獨倚雕闌人不語。晴絲無力隨風舞。睡起枕紋猶未露。香玉紅生。又把啼痕補。還笑鵲聲無定據。春歸畢竟歸何處。

和漱玉詞

王士禛

涼夜沉沉花漏凍。欹枕無眠。漸聽荒雞動。此際聞愁郎不共。月移窗罅春寒重。憶向錦綉無半縫。郎似桐花。妾似桐花鳳。往事迢迢徒入夢。銀箏斷絕連珠弄。

春曉用大樽韻

鄒祇謨

荏苒芳時成惜別。待捲蝦鬚。春夢愁輕切。綃帳微風吹半摺。綠楊枝上殘星滅。曉唱玲瓏聲未絕。郎去迢迢。纔過清明節。窗畔丁香愁百結。姊歸過處啼難歇。

茉莉

宮夢仁

良嶽當年行樂處。珠蓼冰蕤。移自炎洲路。韻比江梅宜

帶雨芬飄山麝偏迎露。絕愛佳人臨日暮。笑摘芳菲
斜比鸞釵度。綉枕聞香香半吐。餘香猶挽絲籠護。

春夜

錢繼章

岸曲溪坳芳草徧。蝶粉蜂黃到處香成串。楊柳陰濃山
氣變。南樓只隔斜陽面。狼籍酒痕衣上濺。記得歸來
殘句畱歌扇。醉臥穉人。不見梨花月滿秋千院。

初夏卽事

四月江村人似蟻。蠶箔堆山。又見秧浮水。帶雨荒雞催
早起。菰羹麥飯衡門裏。獨有老翁無個事。拄杖逍遙
數笋門前寺。薄暮三杯渾未醉。槐陰野店看狙戲。

又

五月渥丹初放砌。百合香濃。又睹珠蘭蕊。乞得洛陽誇
種美。錦葵漸落將收子。石磴藤溪無暑氣。小鳥啣魚
飛上。闌干嘴間看碧波。抽短芰荷錢。買得蜻蜓戲。

春日刺梅園印事

胡會恩

杜曲垂垂花似綺。花底秦青小住。東風裏。銀甲彈絲調
淥水。紅牙按盡相思字。芳草斜陽停小騎。貰酒徵歌
放得春歸。未煙月朦朧人醉矣。一年鶯燕江南思。

秋思

錢芳標

露溼芙蓉風意緊。珍簾涼生光景。重陽近。冷落楸枰閒

玉軫遠屏山色橫金粉。獨倚江樓私自忖錦字傳來
舊約難憑準。葉葉輕帆過欲盡寒煙幾點殘鴉隱。

酬友

姜宸英

浪逐韶光朝復暮。手把金卮暗識歌聲誤。衆裏不教名
姓露。花間驀地揚鞭去。堪嘆浮生萍梗聚。迴首斜陽
又隔西陵樹。那有臨邛芳草路。三春只是和愁度。

春景

袁 袿

鞦韆牆外紅橋畔。香徑籠雲零落桃花片。一點芳心如
絮亂。綉牀斜倚慵添線。拾翠重來尋女伴。笑摘櫻桃
簾底彈新燕。頻約鴉鬟釵更頭。輕綃微露雙金釧。

金陵

鄧漢儀

庭樹官花開徧了，唱徹鶯喉一夜春。
難曉綉被牙牀香篆小，羽書邊馬沉沉杳。
擒虎爰來驚夢覺，如此消魂天上人。
間少脂冷鬢低心事悄，官家自古多煩惱。

臯亭

毛先舒

臯亭山徑迷晴霧，有個仙人只在中。
任試看松頭雙鶴舞，應知尙未朝元去。
當日我來曾問渡，今日如何景物都非故。
流水千灣花萬樹，雲深失却題詩處。

春情

沈豐垣

纔得相逢春已暮，眼際斜邊只是無情緒。
惟底窺人鶯

不語綠楊枝上微微雨。着意尋春春又去。春在天涯
人却歸何處。一望青青迷遠樹。夕陽偏照長亭路。

前題

徐昌徽

盡日茫茫飛柳絮。池館淒涼。獨自閒凝佇。枝上杜鵑啼
不住。夕陽影裏微微雨。簾外春山山外樹。一望青青
迷却天涯路。多少閒愁無可訴。却看雙燕。啣花舞。

春雨

陳堂謀

六曲闌干空遍倚。暮地愁牽。在屋檐聲裏。零亂垂楊金
粉碎。絲絲都染傷春淚。鎮日廉纖還未已。蝶翅難舒。
溼重鸚哥嘴。煙冷香篝人不寐。錦鞵隔斷桃花水。

十月望日與經崑叔別

成德

盡日驚風吹木葉極目嗟峨一丈天山雪去去丁零愁
不絕那堪客裏還傷別若道客愁容易輟除是朱顏
不共春銷歇一紙鄉書和淚摺紅闌此夜團團月

閨情

閨秀
沈宜脩

竹影蕭森淒曲院那管愁人吹破西江面一日柔腸千
刻斷殘燈淚結空成片細語傷情過夜半陣陣南飛
都是無書雁薄倖難憑歸計遠梨花雨對羅巾伴

前題

吳琪

淡月溶溶花映綠琴底離愁葉落相思曲頻整羅裳檀

鈕束碧紗明滅紅膏燭
玉漏聲聲催夜促斗帳蓮鈎
半挂鸞綃幅倚枕夢成風曉觸翠屏斜映窗前竹

七娘子

夾城月夜

吳儀一

南朝鳳去梧桐死對夾城空
灑看花淚碧瓦千家朱闌
三市御樓廢址無人記
晚雲散盡天如水似翠華卷
入銀濤裏萬古傷心一聲笳吹無情明月江東起

一剪梅

思家作

宋 琬

飄泊東南劇可憐
朝采菱船暮打魚
船愁中看遍好山

川鶯脰湖邊。菴。畫溪邊。問余何日賦歸田。說道今年
又早明年。故園消息久。茫然春燕來前。秋雁來前。

薰香

瓊窗半鎖綠陰濃。犀押簾籠。玳押簾籠。薰香小鴨火微
紅。蘭餅初融。麝餅初融。沉沉不斷。畫屏東。煙裊樓中。
花裊樓中。睡餘無力髻鬟鬆。一陣梅風。一陣蕉風。

懊惱詞

季式祖

初長天氣困人時。花一枝枝。柳一枝枝。朝來慵起夜眠
遲。日上窗兒。月上窗兒。沈郎漸減。瘦腰肢。愁也絲絲。
淚也絲絲。不堪訴說是相思。有箇人知。沒個人知。

京口

李珍

對峙雙峰雪浪寒。西是金山東是焦。山風帆搖曳片時
閒。來到淮南去到江南。海氣微茫雨氣纏。雲也連天
水也連天。瓜洲樹色潤洲煙。濃寫千般淡寫千般。

吳門客舍初度

陳維崧

風打孤鴻浪打鷗。四十揚州五十蘇州。半生習氣破除
休。少日倡樓老去僧樓。故壘蕭蕭蘆荻秋。說甚曹劉
只羨孫劉。專諸巷內且淹留。烽火邊愁風雪羈愁。

梳頭

陳維岳

熒熒新月一奩生。嬌倚銀屏。遲下銀屏。佳人粧閣好心

情龍髻難成鴉髻難成 水晶簾底悄然聽玉膩釵聲
花滑釵聲倩郎綵筆蘸煙輕濃掃青青淡掃青青

野棹

費坤

殘菊疎籬只自花叢是名花當作閑花擎樽呼酒底須
賒昨日錢賒今日情賒 隨波小艇問伊家不是農家
定是漁家總無情思笑看他恁說留他索也由他

清况

閩秀 賀潔

髻子鬢鬆掩鏡奩花也慵拈香也慵添倚闌終日病懨
懨風自開簾月自穿檐 一庭芳草綠鋪氈紅杏初甜
斑筍初尖倦扶雛婢望銀蟾身影兼兼柳影纖纖

和家季妹韻

賀祿

秋來寂寂掩重門
蟲鬧墻陰葉戰空
庭看未成碧倍傷
神愁緒紛紛情思昏昏
夢中可許暫相親
一晌無憑
一洞分明淒涼枕
簟夜難禁聽徹
雞聲聽罷鐘聲

唐多令

初夏

朱彝尊

疎雨過輕塵
圓沙結翠茵
惹紅襟
乳燕來頻
乍暖乍寒
花事了
留不住
塞垣春
歸夢苦難真
別離情更親
恨天涯
芳信無因
欲話去年今日事
能幾個
去年人

雨思

單恂

簾院午陰長櫻桃糝徑香便清明晴了何妨燕帶溼紅
來上壘花瘦也猛思量除是好韶光柳條能繫將軟
春絲鬆得春忙擗却短帆拖着雨芳草外醉鴉黃

孤館

宋 琬

牕外雨澌澌涼颼颼竹枝賴征鴻喚起魂癡安得波斯
千里鏡重照見曉粧時孤館被秋欺啼螿攪夢思寫
離愁空費烏絲縱有金針五色線穿不起淚珠兒

春景

吳亮中

芳草綠芊芊微雲散遠天掠青莎孤鶴翩翩野岸芡菇
開又展蘋葉小正如錢攜酒到花前花殘聽杜鵑醉

忘醒醒又忘年。雙板橋南。脩竹裏。會記得。挽魚船。

戲答方敦四

曹溶

吳舫出。嬌娥輕衫。蹙綉羅。踏花田。冷透雙靴。任是錦帆
催去。恐畱客意。有迴波。時擬聽清歌。維摩奈病何。不
如人。千種蹉跎。飲到旗亭。剛吐氣。腸斷句。柳郎多。

臨春閣

吳綺

朱棟接丹霞。晴虹複道斜。歎風流一瞬繁華。閣上畫眉
猶未了。已冷落後庭花。芳草偏天涯。空林點暮鴉。痛
詞人。江令還家。只有多情商女。在還譜入舊琵琶。

塞外重陽

成德

古木向人秋驚蓬掠鬢稠是重陽何處堪愁記得當年
惆悵事正風雨下南樓斷夢幾能留香魂一笑休奈
銀蟾空滿寒裊霜緊烏啼渾不睡偏想出舊風流

感懷

閨秀
徐燦

玉笛送清秋紅蕉露未收晚香殘莫倚高樓寒月羈人
同是客偏伴我住幽州小苑入邊愁金戈滿舊游問
五湖那有扁舟夢裏江聲和淚咽曾不向故園流

青杏兒

閨情

丁燁

鵲篆冷秦篝羅衫薄強耐清秋年時猶記花窗下倩郎

掠鬢笑將鈿鳳貼向簪頭。繡帖剪聲收。新粧懶獨上
高樓。一簾殘月人千里。重重煙樹難遮。望眼不斷離愁。
破陣子

開山道中

宋 琬

拔地千盤。深黑揷天一綫青。冥行旅遠從魚貫入。樵牧
深穿虎穴行。高高秋月明。半紫半紅。山樹如歌如笑。
泉聲六月陰崖。殘雪在千騎宵征。画角清丹青。似李成
次虎丘作

李 珍

十載虎丘三度春花秋月冬風。一帶吳王池畔石。一帶
貞娘墓上松。都是舊遊踪。今日重登孤塔。寒雲衰草

征鴻一片江天南共北。一片山巒西復東。霜橋洞庭紅。
漁家傲

本意

吳易

鸚鵡洲頭天映水。鳳凰池上山橫翠。短艇輕綸隨處艤。
秋似水。玉醅金盞銀絲餹。澤畔三閭醒與醉。蘆漪伍
子歌兼淚。苦恨英豪成底事。煙月裏。笛聲吹徹鰲魚睡。

前題

李天馥

銀魚風細桃花渡。輕帆影落澄江暮。漠漠晴沙飛白鷺。
人家聚。青帘懸見雲深處。一點孤燈依淺步。綠簑珠
晃金鱗露。月上危檣歌自度。隨煙霧。脩綸欲挽珊瑚樹。

雨後

梁清標

小雨纔收風謾謾，
脩篁交響闌干曲，
澄湛一泓瀉瀉，
浴酣睡足鳥啼疑，
傍山家宿，
瀟灑閒堦桐覆屋，
花開花落無拘束，
門外任他車馬簇，
人新沐，
鬢雲低映窗紗綠。

出水西門暮抵下關

王士禛

醉向石城呼小艇，
總持宅畔花將暝，
綠柳朱闌相掩映，
波光冷捲簾處處，
珊瑚鏡，
三日秦淮扶酒病，
魂消不到胭脂井，
歸櫂凌風飛鳥競，
人初醒，
清涼山外紅霞影。

春夜

鄒祇謨

多少游絲飄綉閣，
畫旗閑却秋千索，
翡翠簾垂深院落。

春夢惡金爐篆裊無人覺。可奈風光今又昨。傷心獨
對葡萄幄。嫩柳三眠絲正弱。風如削。惜花幾度揆紅藥。

汪園

吳綺

門對琉璃千萬頃。鶯花十畝連幽徑。小閣正當花絕頂。
青不定。春山碎疊斜陽影。得酒偶忘前日病。凭闌又
被風吹醒。桃葉誰人來画艇。溪翠冷。鴛鴦驚破湖煙暝。

元慶山房偶題

毛先舒

雀啄松花黃滿地。瑤壇風靜爐煙細。曉色朦朧春醒未。
看鶴背朝元歸到人微醉。空外飄飄紛羽旆。忽然驚
聽。搖環珮。童子朱顏桃李媚。吹玉器。隔霞又唱千秋歲。

立春曉起偶作

沈謙

新歲昏昏愁只睡。日光照入簾櫳內。六幅素屏閒似水。
因底事。曉來題徧銀鈎字。砌草庭梅徒自媚。白頭慣
灑多情淚。醉裏不知春已至。重審視。綠蛾金燕分明是。

留別

朱澗

極目平山秋色遠。荒碑勒馬紅亭斷。人語夕陽波影亂。
情未判。解鞍故把征衫換。我有離愁真汗漫。相思一
水蒹葭岸。垂釣鯉魚長尺半。空浩歎。孤城函角明星爛。

寄友晉陽

朱彝尊

拂戶垂楊絲萬縷。離情不耐西窗雨。誰共故人燒燭語。

還問取紅蓮綠渚花深處。白髮愁添歸未許。秋風汾水年年樹道盡。人間賜斷句君莫去。旗亭冷落銀箏柱。

舟中偶味

李珍

日射薄雲風力緊。峰巔飛過玲瓏影。寒到半空天欲曠。如相等和煙做就糊塗景。征雁一聲霜氣冷。蜀衾漸透人難寢。又是月輪光萬頃。還當領起沽村酒。船頭飲。

暮春

單昭儒

三月天桃紅似錦。花風吹到鳴箏信。又見廉纖飄陣陣。清和近春衣初試。水肌潤。麥秀時光寒尚嫩。離梁紫燕香泥沁。隔院鞦韆看不禁。人何韻。柳腰一捻雙腮暈。

讀漢史

曹貞吉

縹緲雲中赤彘子。求仙遠隔蓬萊水。巨棗安期會餉未。
真奇事。馬肝解令文成死。天下神仙皆妄耳。茂陵石
馬秋風裏。金椀玉魚紛出市。渾無味。如鉛早下銅人淚。

題畫

高層雲

樹杪溶溶雲縷細。半奩柔漾縈沙尾。簪影斂風殘葉底。
潮平矣。數莖秋荻疎煙倚。擬向吳根尋剩水。燕梢船
小輕于紙。且着征帆圖畫裏。歸得未。旅愁暗數今番最。

延陵小齋

閻秀
徐媛

板扉小隱清溪曲。夜月羅浮花覆屋。木籠戛戛插生穀。

莊田熟。桔槔懸向茆檐宿。青山一片芙蓉簇。林臯逸韻飄橫竹。遠浦輕帆低幾幅。濃睡足。笑看小婦雙鬟綠。

蘇幕遮

杜鵑

丁澎

杜鵑花。杜鵑鳥。鳥在花間血淚和花叫。只說不如歸去好。賺得春歸。花鳥都知道。枕邊頻枝上悄。一樣名兒。何事雙雙鬧。恨不將花團做鳥。鳥歇花殘。春去多時了。

塞上

尤侗

朔雲寒。邊月苦。齋栗西風吹亂黃沙舞。夜半雪深三尺許。毡帳馳峰倒載琵琶女。打圍來。圈地去。銀管呼煙。

茶煮烏羊乳。蠻府參軍窮塞主。疋馬隨他着射南山虎。

舟中寒食

汪懋麟

落花風寒食。雨幾陣。纖廉催送春何遽。閒倚蓬窗臨古渡。野店青帘飄在垂楊樹。日歸遲。時節誤。暝色高樓望斷河橋路。燕子來時愁欲暮。波上雙雙飛過船頭去。

春暮

潘雲赤

五更初三月暮。窗內人愁。窗外風吹雨。惆悵落花誰做主。杜宇無聲已到消魂處。夢難憑。情怎訴。脉脉幽懽。祇恁輕辜負。金鴨香消人獨語。煙樹江村屏上相思路。

立春

沈謙

樹鶯藏蘭雪擁。浪說春回又被東君哄。面藥口脂呵復凍。一樣愁顰便覺朝來重。負深盟。思好夢。懶簇酥山花影。簾鈞控。此夜歌樓誰與共。火照堆鴉勝裏金人動。

春閨

張台柱

翠幃深香夢淺。一夜東風春色都吹變。紅日滿窗蒸睡暖。簾外鶯兒喚起梁間燕。信難傳。人又遠。蛛網簷楹日日絲千轉。飄蕩不知歸早晚。生就楊花心性無拘管。

鞦韆

顧彥宜

綠楊樓紅杏榭。燕掠花梢倒掛斜陽罅。錯認垂鬟粧墮馬。何處春園兩兩鞦韆打。綵花繩花作架。羅鞵輕鈞

柳浪迎風也。画鼓綉旗人暗下。一捻香酥。暈得春無價。

記豔

楊大鶴

惜花紅。嗔柳綠。掩映湘簾。訝許人如玉。翠幙淺粧。剛乍沐。袖拂菱花斜。顧湘裙幅。鬢雙垂腰。一束渾不勝衣。漫說鮫綃薄。二八年華。應未足。鸚鵡能傳。暗數銀屏曲。

調箏

嚴會相

豔陽天。佳麗地。忽聽清音。聲出明簾裏。嬌小盈盈。才十四。悄學春鶯。一點櫻桃碎。度霓裳。調翡翠。隱顛蝦鬚。惹得心如醉。舉止翩翩。渾解意。試問芳心也。曉相思未。

離情

萬樹

彩分鸞絲絕藕。且盡今宵。且盡今宵。酒闌門外驪駒聲早。
驟惱殺長亭惱殺長亭柳。倚秦箏。扶楚袖。有個人兒。
有個人兒。瘦。相約相思須應口。春暮歸來。春暮歸來否。
踏莎美人

送顧梁汾之江右

吳興祚

月暗山城香疎桂樹。征帆遙指霞飛處。黃雞白酒擬相
招。試問君能回首一停橈。蓼渚看花蘆洲聽雨。高吟
莫作悲秋語。西風落葉捲紅潮。此後相思俱在灞陵橋。

定風波

春閨

沈長益

水影山光處處樓。柳陰陰下弄輕舟。驚起鴛鴦還作隊。
相對美人無賴。倦梳頭。枝上殘紅和蝶瘦。知否。無情
偏自解風流。試問看尖多少恨。難盡似他飛絮結成毬。
贈牧仲歌兒阿陸

陳維崧

胡蝶成團榆筴飛。輕狂恰稱五銖衣。若問年華剛幾許。
數數晚峰十二正愁時。莫道梁園非故土。且住得人
憐處不須歸。閒控郎君堂後馬。偷跨陸郎從古愛班騅。
又贈阿增

持底尊前贈阿增。濃纖一幅綵紅綾。上寫蠅頭無數字。
須記千絲萬縷意層層。好向歌樓并舞院。常見細腰

束罷怕難勝，莫到春街閒賭戲。輕棄他年，知否憶來會。
似娘兒

舟過婁門卽事

陳維崧

渡口綠簑斜，繞子城碧浪周遮。誰知我是玄真子，賣餚
天氣，憑橈心事，蕩槳生涯。水面小窗紗響，棖棖誰摘。
琵琶東風似夢，回頭望絕，無人影。粉牆之內，一樹桃花

春愁

陳維崧

一夜妬花風，藥欄邊亂落殘紅。蜂黃蝶粉同時褪，銷魂
天氣，重門人悄，無限惺忪。絲雨又濛濛，怕輕寒透入
簾櫳。屏上瀟湘愁路遠，王孫不見，吳頭楚尾，芳草黏空。

促拍采桑子

夢次山晨起得其濟上寄扎

蔣景祁

別酒憶年時。漫淹留。又及春期。草堂幾度過。人口故鄉。
煙水京華塵土。把甚題詩。昨夜夢遲遲。曉驚看牋寄。
身絲。經旬風雪。東阿路。十行短扎。分明寫出。憔悴陳思。
喝火令

偶憶

陳維崧

架上紅鸚鵡。簾邊玉辟邪。兜娘懶上卓金車。鬢髮一窩。
濃綠未成鴉。燒我春吹笛。邀人夜聞茶。如今庭院隔。
天涯。記得沿街。一樹粉梨花。記得花陰微露。幾扇綠窗。

紗。

鳳銜盃

舊恨

丁 澎

屏前私結今生願。憶不了當初懽。怨正生小。俱癡尋花。逐蝶爭閒玩。只避得人前眼。到如今。全不管。恁心情。風兒吹斷。將枝淚。雙綃斷腸。一紙交伊看。怎推得無人見。

偶感

陳維崧

弱柳絲絲街前漾。正初學小蠻腰樣。有隔水紅牆翠樓。倒映牆頭上。聽樓內三絃響。恰重經人已往。帽簷斜。

倚風凝想只似夢如煙柳花撲地漫天放尋不出伊門巷。

味蛺蝶花

蔣景祁

雙翅垂垂低飛樣有千種輕盈難狀任嬌小吳姬薄羅
扇子微微颺看撲倒原無恙。菜花風楊花浪榆花茵
桃花門巷問何處飛來莊生曉夢魂飄蕩渾落在青苔
上。

月上紗窗烏夜啼

冬至

丁澎

猊毬香細熨紅潮初雪上梅梢斜拋雙剪裁金勝拭花

翹看取釵頭占出內家嬌
唇朱淺約紅粧冷爲誰怯
瘦盡宮腰繡工一線新添却恁無聊從此春愁千縷倍
難消

醉春風

旅悶

尤侗

秋暑蠅成陣西日長如閨無聊瑣事不宐人悶悶悶薄
酒初醒孤燈半滅殘書獨枕愁縷縈方寸華髮添雙
鬢無端讀史又悲歌恨恨恨劍廢荆軻騅亾項羽弓藏
韓信

縈人

毛先舒

粉額青蛾嫵玉臂紅絲組問伊年紀月兒圓五五五慣
是嬌痴不曾學得吹彈歌舞記起還疼汝手斷生黃
縷新春嫩柳試穿鶯苦苦苦只這些兒嬌啼宛轉縈人
心腑

旅中櫛髮閨人傾奩而出

吳梅鼎

愧我霜華鬢不入菱花鏡香閨傳出罄香奩儘儘儘白
象牙梳湘妃竹篔露花油印但有悲秋分豈識粧臺
近粉龕猶壓指螺紋韻韻韻青黛誰描胭脂誰點翠鈿
誰襯

獻衷心

天馬道中與筠實對飲

錢芳標

夾兩崖西去吹面蕩風天卯色碧漪同漸翠微向曉鬟
裊煙重惆悵意從古在夕陽中樵逕轉石幢通塔鈴
無語短垣紅隔窗杉何處燈火窗櫳茆舍近君莫放酒
卮空。

黃鍾樂

消夏曲

鄒祇謨

碧檻芙蓉隔水遙綠樹陰陰迎涼初到赤欄橋魚子蘭
濃侵繡帶鵝兒酒薄暈紅潮珠汗輕沾粉未消寶袜
重收六銖衫子怯冰綃塔下流螢飛一點画舂樓上獨

吹簫。

又

玉剪雙雙細語聞。花畔呢喃。微涼壓夢。思氣氤氳。琥珀枕
寒紋尙澁。琉璃簟滑碧無塵。寶鴨煙飄。銀葉溫情。緒
冥冥巫山洛浦。杳難分。丹的乍施。因入月荒花。煮水自
湔裙。

轉應曲

煮蟹獨酌。然而無米。作此寄興。杜濬

郭索郭索。難起燈光閃爍。金中猶自橫行。何日方休甲
兵。兵甲兵甲。殆矣此盆成括。荷葉荷葉。獨酌香膠似

雪持螯須得微酣走與鄰翁笑談談笑談笑今日租船不到

風中柳

黃鶯

朱彝尊

細柳拖煙織就亂絲多少。恠擲處金梭偏小。一枝飛繞
數聲啼了。澁新簧薄寒猶峭。嬌音斷續短夢綠窗驚
曉。弄春陰翠翻紅笑。曲池人悄。落花風裊。又啣來一番
殘照。

品令

夏夜

陳維崧

夜色涼千頃。攜笛簟。依金井。輓轡清冷。一天松籟半規。
晶餅慢瀉流光。漸暎素蕙綠茗。微茫杳冥。水廊外。風
何整。闌干碎拍。舊遊何處。瑤京路末。簌滿空庭。簾影樹
影鬢影。

芭蕉雨

春雨

陳維崧

輕暖輕寒時節。東風將柳絮。搓香雪。暗惹翠蛾。千結絕。
似細雨。紅橋情人乍別。綠窗花影半。摺待折。未曾折。
儘草上輕狂。雙黃蝶。亂撲着。雨和煙。攪得今歲韶光不
成三月。

驟雨

曹亮武

盡日悶如狂醉。雨師偏灑落。窺人意。一霎雷轟風厲。爲
挽萬斛銀河。炎蒸都洗。遙望海天墨。晦屋瓦。碎礪起。
似萬馬。驍騰戰場勢。今夜賒取新涼。料得湘簾雲幃儘。
吾鼾睡。

雨中嘲友

曹封祖

雨過花陰滑滑。粉綠交午。潤餘寒恰。移近笋輿。催發爭
奈綉幘低雲。芹泥印屨。惜春纔過。又撇空倚。画屏摺。
零落盡杏花。和誰說。試說與侍兒。知會也。漱玉親披蘅
蕪夢接。

淡黃柳

約史遠庵遊鶴洲

曹溶

遙天綠乳家在鴛鴦浦。與客披裘船上語。不遠城南。畫閣重訪年時賣花處。冷如許。燒燈又催鼓。怕簾側夜來雨。喚金荷滿滿招春去。野柳情深。替人歡暢。早向橫塘起舞。

題畫

高層雲

層湖遠碧。倒浸蒼巖溼。小閣圍山殘照入。一片疎紅冷翠。總是江南好秋色。弄殘墨。閒窗正岑寂。幾回首。認煙驛。想荒池月淡。沙鷗拍菰影。蘋香舊村何處。今夜夢

輕難覓。

酷相思

旅情

曹溶

象拍何須歌麗句。又燒燭紅窗暮。歎今古韶華留不住。
花落也催歸去。葉落也催歸去。失意多因杯酒誤。辜
負春無數。只樓外江山成客路。鴻斷也書來處。雲斷也
愁來處。

風阻湖口

朱彝尊

社鼓神鴉天外樹。見渺渺江流去向晚。來石尤君莫渡。
大姑也畱人住。小姑也畱人住。杜宇催歸朝復暮。轉

把歸期誤儘燈火孤篷愁幾許。風惡也聲聲雨。風定也聲聲雨。

春閨

毛蕃

一院東風纔報曉。綠窗外春光早。怎游子經年音信少。相對也梅花好。相對也梨花好。細雨孤燈殘夢杳。無數離情繞。看雛燕嬌鶯愁不了。又只見榆錢小。又只見荷錢小。

冬日行彰德衛輝諸處馬上作 陳維崧

趙北燕南多驛路。見一帶霜紅樹。又天外亂山青可數。叢臺也知何處。雀臺也知何處。一鞭裊裊臨官渡。雁

叫酸如雨儘古往今來誇割據。漳水也東流去。淇水也東流去。

無題

陳維岳

慘慘悽悽無意緒。聽瑟瑟秋風語。向敗驛殘橋魂斷路。酒醒也人兒去。酒醉也人兒去。十年花月清狂侶。似夢那憑據。又幾陣黃昏蕉葉雨。鈿車也無尋處。羅帕也無尋處。

味竝頭蓮

曹鑑平

分豔連香爭窈窕。正綠水紅妝曉。惜歡情兩兩盈盈巧。日出也雙飛早。月出也雙棲早。譜訂鴛盟年尚小。結

子還同老，怕分離。步步心心繞，花放也相逢好，花謝也相思好。

秋夜和叔韻

陳枋

不定陰晴天易暮，最此際懷人苦。結半庭晚煙吹冷霧，一陣也蘇蘇雨。半住也疎疎雨。腹疾秋霖悲逆旅。欲理愁無緒。早莎徑涼蛩逢舊侶。相喚也匆匆語。相應也重重語。